



Guidelines I Khasi

KI KYNDON TREI KAM JONG KA PROJECT IMPLEMENTATION COMMITTEE (LPIC)

Ka Dorbar Shnong, ym da dei eh ka Dorbar Elaka, lait sa tang ha kito kiba don tang kawei ka Shnong-Elaka ba kynthup ym duna ia ki sanphew ki thliw ing, kin thung ia ka Local Project Implementation Committee (LPIC). Na ka bynta kane ka Dorbar kan jied san ngut ki dkhot (member) napdeng ki nongshong shnong kiba biang bha ba lah ban trei kam bad na pdeng kita iwei in dei i kynthei bad iwei pat napdeng ki samla, ban pynlong ia ki ki Member ka Committee. Ka por (term) jong ka Committee kan long shi snem, hynrei ia kijuh ki member lah ban jied biang. Ka Dorbar kan thung ruh ia uwei na kita ki member ba la jied kum u Convener lane Leader jong kata ka Committee bad ban phah sha ka SPV Society ia ki kyrteng jong kita ki member ryngkat bad ka jaka shong (address) bad ka kam ba ki trei (occupation). Kito ki shnong ba kham rit ki lah ban snoh lang bad kano kano ka LPIC jong ki shnong ba markhap lane ki lah ban pynlong ia ka Committee ba ia khleh lang (Joint Committee) bad na ka bynta kata, ki dei ban da ioh shuwa ia ka jingmynjur na ka SPV Society, tang ba ka jingdon ki ing bad nongshong shnong ka dei ban long kumba la kdew haneng.

Ka LPIC ba la dep thung kumta kan pdiang ia baroh ki applikeshon (application) ba ioh na ki nongshong shnong ban kynthup ia ki 'group', 'society', 'institution' bad ia kito ruh ki bym shong ba sah ha shnong, kiba don la ka jaka puta ha shnong, bad dei ban da khmih bha ia baroh ki application kat kum ki jingbthah jingbatai ba ai da ka SPV Society. Ia kito ki project paidbah (community project), ka LPIC ka dei ban recommend tang ia kito ki project ba hapoh ka shnong hi.

Halor ba la recommend da ka LPIC, ka jing jied ia ki beneficiaries/schemes/projects, kan shong ha ka rai jong ka SPV Society.

Hadien ba la dep jied ia ki beneficiaries, ka SPV Society kan sa phah ia ka list sha ka LPIC. Ka LPIC nangta kan sa pyntip sha baroh kito ki beneficiaries khnang ba kin dup tip kumno ban pyntrei kam ia ki scheme/project ha ka por ba biang.

Katba ia ka pisa jingiarap (financial assistance) yn pyllait (release) da ka SPV Society, da kaba ai instalment sha kito ki beneficiaries ha kaba iadei bad ki “livelihood acitivities”, ia ki instalment hadien lah ban ai kat kum ka jingpan jingdonkam tang ba ki beneficiaries ki dei ban pynbiang ia ka report ba iadei bad ka jingpyntrei kam ryngkat bad ka jingai ‘recommend’ da ka LPIC. Ki member jong ka LPIC namarkata, ki dei ban da peit bha ia ka jingpyntrei kam ia ki scheme/project jong kito ki beneficiaries.

Ki member ka LPIC ki dei ban iarap ia ka SPV Society ha kaba ai jingtip shaphang ka jingpyntrei kam ia ki projects/schemes bad kumjuh ruh ban iarap ia kito ki officer bad nongtrei ba phah da ka Society ban leit jngoh (monitoring & inspection) ia ki schemes/project. Ka SPV Society kan ai jingtip ia ka Committee ba iadei bad ka list of beneficiaries bad ki schemes/projects ba la mynjur (approved) bad ia ka pisa ba la ai. Lada donkam, ki lah ruh ban iarap ia ki beneficiaries ha kaba plie bank account.

Lada shem ba kino kino ki beneficiaries kim lah trei kam, ka Committee ka dei ban wan rah ia kata sha ka Dorbar bad pyntip ruh sha ka SPV Society. Ka rai jong ka Dorbar lada ka don, halor kane kan long kaba kut halor kano kano ka beneficiary. Ka SPV Society kan don ka hok ban nym ai jingiarap shuh hadien ia kito kiba pyndonkam bakla ia ka pisa ba ai jingiarap ia ki da ka SPV Society.

Ha kaba iadei bad ka ‘sanction’ ban ai jingiarap pisa (financial assistance) ia ki beneficiaries kin hap ban soi (execute) ia ka Soskular (Memorandum of Agreement) bad ka SPV Society bad ki dei ban bud bad kohnguh ia ki kyndon baroh kat kum ka Memorandum of Agreement. Lada shem ba bakla bym bud kat kum kito ki kyndon ba la buh ha ka ‘MOA’, lah ban pyndonkam ban leh kat kum kito ki kyndon ba la ia mynjur bad ruh kat kum ka jingrai ka shnong halor kata.

.....

Ha kaba kut jong ka snem, ka LPIC ka dei ban ai ka report ba iadei bad ka jingpyntrei kam ia baroh ki schemes/projects hapoh ka shnong.

Ki member jong ka LPIC ki dei ban iatrei lang kum kawei ka team bad halor kata ka kamram bad jingiatrei jong ki, ka SPV Society kan sa pyrkhath bad ban ai pisa kum ka honorarium ha kaba iadei bad kane.

Lada don kino kino ki jingkylla ha ki 'Guidelines' , ka LPIC ka dei ban ai jingpyntip ia kane sha ki paidbah ka shnong shaphang kano kano kaba ka SPV Society ka kwah ban pynshai sha ki paidbah lyngba jong ki (LPIC) bad ba ki dei ban bud bad trei kam kat kum ba bthah ka SPV Society na ka por sha ka por.

